



Publicaziuns dalla vischnaunca, jamna 40

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2017 – 1055.000

Eric Douady, Via Buretsch 10, 7186 Segnas; sanaziun dallas fatschadas e dallas finiastras dalla casa sin parcella 171, Via Buretsch 10, 7186 Segnas

Nr. 2016 - 1023.002

Thomas Monn, Wachterweg 3, 8057 Turitg; construcziun d'ina surbaghegiada cun pliras habitaziuns, ulteriura midada da project, parcella 790, Via Veglia 3, 7180 Disentis/Mustér.

Nr. 2017 – 1020.001

Thomas Monn, Wachterweg 3, 8057 Turitg; construcziun d'ina casa d'ina famiglia, ulteriura midada da project, parcella 787, Via Veglia 1, 7180 Disentis/Mustér.

Nr. 2017 – 1046.000

Claudia e Clemens Berther-Bearth, Via Salez 3, 7186 Segnas; nova formaziun dil curtin existent cun adattaziun dil mir da sustegn per liung dalla Via Sut Vitg e construcziun d'in sottetg (carport), parcella 296, Via Salez 2, 7186 Segnas.

Nr. 2017 – 1059.000

Konrad Huber, Bergstrasse 154, 8708 Männedorf; niev sottetg pil plaz da seser, sanaziun dil tetg casa, sanaziun parziala dallas fatschadas, sanaziun interna dalla casa, parcella 1067, Via Sogn Valentin 3, 7183 Mumpé Medel.

Nr. 2017 – 1060.000

Pius e Pauli Desax, Via Sogn Gions 3, 7180 Disentis/Mustér; baghetg niev annex per deponer material da curtgin, parcella 770, Via Sogn Gions, 7180 Disentis/Mustér.

Uffeci da baghegiar Disentis/Mustér

Scaldaments mobils el liber

Bulius da scaldar, radiaturs, radiaturs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW, sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da



cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'immissiun da CO₂ succeda entras il possessur ni entras la vischnaunca.
4. Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sectur dalla cumpensaziun da CO₂ (p.ex. myclimate). Per apparats da scaldar electrici sa l'obligaziun da cumpensar l'immissiun da CO₂ era vegnir ademplita, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Administraziun communal

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntionscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischnun! Pli- navon daventan ils donnos cun mintga minuta spiarsa pli gronds. Perquei s'adressein nus a Vus cun ina fer- venta supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!
Vos pumpiers Sursassiala

Rimnada da pupi

Venderdis, ils 6-10-2017

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.



Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca durant la rimnada. Bien engraziament per Vies agid e sustegn!

Scolas Mustér, Ch. Berger

Invitaziun Seniors-Ca a tuttas senioras e tuts seniors da Mustér e contuorn

Gievgia, ils 12 d'october dallas 14.00–16.00 en halla Cons a Mustér: Referat da dr. Rolf Maibach, anteriur miedi d'affons a Glion e Svizzer digl onn 2010. «Mias experienzas e mia lavur sco gidonter da svilup e miedi a Haiti» e silsunter en Puntreis pign dessert ord la Caribica. **La meisa da miezdi organisada da Seniors-Ca e Puntreis.** Entschatta: allas 12.15 en Puntreis Annunzia entochen allas 9.00 dil di a Puntreis (tel. 081 929 56 56).

La Meisa da Miezdì ei aviarta per mintgin/a. Negin sforz da separticipar suenter all'occurrenza!

Post d'informaziun Seniors-Ca

Uniun samaritana Mustér

Nies proxim exercezi meinsil ha liug gliendisdis, ils 9 d'october 2017 allas 19.30, en casa da scola, Cons. Tgi che ha interess e vul inagada fuffergnar tier nus ei cordialmein envidaus. A stedia participaziun envida

Uniun Samaritana Mustér, menadra tecnic

Gruppa da teater d'affons, Mustér

Nus sepretein cun nies niev toc «La fiasta da giubileum», ina cumedia criminala, **vendergis, ils 6 e son-
da, ils 7 d'october** allas 20.00 e **dumengia, ils 8 d'october** allas 14.:00 en halla Cons a Mustér.

Da Vossa viseta selegran: *Jasmin, Livio, Pia, Silvan, Leina, Nando, Celine, Simon, Tina e Catarina*